



Broj/ Број : 02/2-50-1-13-3-25/07

Sarajevo/ Сарајево : 27.05.2007. godine

ZAPISNIK

3. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine, održane 21.05.2007. godine

Konstituirajuću sjednicu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH sazvla je predsjedavajuća Komisije Alma Čolo.

Sjednici Komisije za vanjsku i trgovinsku politiku, carine, saobraćaj i komunikacije Doma naroda, u svojstvu članova Komisije, prisustvovali su: Alma Čolo, Adem Ibrahimpašić, Slobodan Šaraba, Rudo Vidović, te Aida Kreho - v.d. sekretara Komisije za vanjsku i trgovinsku politiku, carine, saobraćaj i komunikacije Doma naroda.

Opravdano odsutni bili su Dušanka Majkić i Branko Zrno.

Sjednici je također prisustvovao i predstavnik Vanjskotrговinske komore Bosne i Hercegovine, Savo Marjanac.

Sjednici su, u svojstvu predlagača, prisustvovali: Radomir Bogdanović iz Ministarstva vanjskih poslova Bosne i Hercegovine, Miroljub Krunic iz Ministarstva finansija i trezora Bosne i Hercegovine, Helena Govra iz Ministarstva pravde Bosne i Hercegovine, Mirko Šekara, Kojo Koprivica, Milija Radović i Ismet Šečić iz Ministarstva komunikacija i transporta Bosne i Hercegovine, Lejla Solunić i Vjekoslav Vuković iz Ministarstva sigurnosti Bosne i Hercegovine, Slavica Vučić, Haris Čenić i Amira Džajić iz Ministarstva civilnih poslova Bosne i Hercegovine, Mirsad Salkić iz Državne regulatorne komisije za električnu energiju, te Nada Šupić iz Ministarstva vanjske trgovine i ekonomskih odnosa Bosne i Hercegovine.

Nakon što je konstatovano da postoji kvorum, predložen je sljedeći

DNEVNI RED

1. Usvajanje Zapisnika 2. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH;
2. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini (stari Poslovnik Doma naroda Parlamentarne skupštine BiH);

3. Prijedlog zakona o dopuni Zakona o nadzoru nad tržištem u Bosni i Hercegovini (stari Poslovnik Doma naroda Parlamentarne skupštine BiH);
4. Izvještaj o radu Državne regulatorne komisije za električnu energiju u 2006. godini;
5. Davanje saglasnosti za ratifikaciju Sporazuma između Bosne i Hercegovine i Republike Hrvatske o izmjeni Sporazuma između Vlade Bosne i Hercegovine, Vlade Federacije Bosne i Hercegovine i Vlade Republike Hrvatske o međusobnom izvršavanju sudskih odluka u krivičnim stvarima;
6. Davanje saglasnosti za ratifikaciju Ugovora o finansiranju između Bosne i Hercegovine i Evropske investicione banke – Projekat obnove električne energije II;
7. Davanje saglasnosti za ratifikaciju Sporazuma o privrednoj saradnji između Vijeća ministara BiH i Vlade Republike Mađarske;
8. Davanje saglasnosti za ratifikaciju Ženevskog akta haškog sporazuma o međunarodnoj registraciji industrijskog dizajna (2.7.1999.);
9. Davanje saglasnosti za ratifikaciju Sporazuma između Vijeća ministara BiH i Vlade Republike Mađarske o saradnji u oblasti obrazovanja, nauke i kulture;
10. Davanje saglasnosti za ratifikaciju Sporazuma između Bosne i Hercegovine i Srbije i Crne Gore o pograničnom saobraćaju;
11. Davanje saglasnosti za ratifikaciju Sporazuma o određivanju graničnih prijelaza između Bosne i Hercegovine i Srbije i Crne Gore;
12. Davanje saglasnosti za ratifikaciju Sporazuma između Bosne i Hercegovine i Srbije i Crne Gore o pojednostavljenom postupku prometa ljudi i roba na graničnim prijelazima Uvac – Uvac i Ustibar – Vagan;
13. Davanje saglasnosti za ratifikaciju Sporazuma o socijalnom osiguranju između Bosne i Hercegovine i Republike Slovenije;
14. Davanje saglasnosti za ratifikaciju Sporazuma između Vijeća ministara BiH i Vlade Arapske Republike Egipat o saradnji u oblasti suzbijanja kriminala;
15. Davanje saglasnosti za ratifikaciju Sporazuma između Vijeća ministara BiH i Vlade Republike Francuske o readmisiji lica sa nezakonitim statusom i Protokol o primjeni Sporazuma;
16. Davanje saglasnosti za ratifikaciju Sporazuma između Vijeća ministara BiH i Vlade Kraljevine Danske o prihvatu lica čiji je boravak protuzakonit;
17. Davanje saglasnosti za ratifikaciju Strateškog sporazuma o saradnji između Vijeća ministara BiH i Ureda Evropske policije (EUROPOL);
18. Davanje saglasnosti za ratifikaciju Sporazuma o saradnji između Vijeća ministara BiH i Vlade Republike Italije u oblasti borbe protiv organiziranog kriminala;
19. Davanje saglasnosti za ratifikaciju Sporazuma između Vijeća ministara BiH i Vlade Islamske Republike Iran o saradnji u oblasti sigurnosti;
20. Davanje saglasnosti za ratifikaciju Sporazuma između Vijeća ministara BiH i Vlade Republike Slovenije o policijskoj saradnji;
21. Davanje saglasnosti za ratifikaciju Sporazuma o zračnom saobraćaju između Vijeća ministara BiH i Vijeća ministara Republike Albanije;
22. Izvještaj o Konferenciji predsjednika komisija za vanjske poslove parlamenata zemalja članica Evropske unije, Evropskog parlamenta i zemalja kandidata za prijem u članstvo EU (COFACC), Berlin, 26. i 27.2.2007.;
23. Informacija s održanog sastanka s gosp. Bruceom McLanom, političkim savjetnikom Komande Štaba NATO-a u Bosni i Hercegovini;
24. Informacija s održanog sastanka sa izvjestiocima Političkog komiteta Parlamentarne skupštine Zapadnoevropske unije;
25. Tekuća pitanja.

Dnevni red je jednoglasno usvojen.

Ad.1. Usvajanje Zapisnika 2. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH;

Zapisnik 2. sjednice Komisije za vanjsku i trgovinsku politiku, carine, saobraćaj i komunikacije Doma naroda PSBiH jednoglasno je usvojen.

Ad.2. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini (stari Poslovnik Doma naroda Parlamentarne skupštine BiH);

Predsjedavajuća Komisije Alma Čolo kratko je izložila dosadašnji tok aktivnosti vezano za ovaj Zakon. Naime Vijeće ministara BiH, kao ovlašteni predlagač, dostavilo je Prijedlog zakona 11.08.2006. godine u parlamentarnu proceduru sa zahtjevom da se Prijedlog zakona razmatra u skladu sa članom 99. Poslovnika Doma naroda, što je Dom naroda i prihvatio na svojoj 62. sjednici. Ustavno-pravna komisija Doma naroda PSBiH je na svojoj 57. sjednici, zaključila da je Prijedlog zakona podnesen od strane ovlaštenog predlagača i da je u skladu sa Ustavom Bosne i Hercegovine, te da može ići u dalju parlamentarnu proceduru ka nadležnoj komisiji. Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH, razmatra Prijedlog zakona u skladu sa članom 79. stav 2. Poslovnika Doma naroda.

Kojo Koprivica, ispred Ministarstva komunikacija i transporta Bosne i Hercegovine, kratko je izložio sadržaj i svrhu izmjena i dopuna. Naime, nakon usvajanja Zakona o osnovama sigurnosti saobraćaja na putevima u BiH usvojeni su entitetski zakoni o prekršajima, te je i državni Zakon o prekršajima upućen u parlamentarnu proceduru. Upravo zahvaljujući izmjenama i dopunama Zakona o osnovama sigurnosti saobraćaja nastoji se osigurati usklađenost sa državnim i entitetskim zakonima o prekršajima.

Članovi Komisije jednoglasno su usvojili tekst Prijedloga zakona o izmjenama i dopunama Zakona o osnovama sigurnosti saobraćaja na cestama u Bosni i Hercegovini u predloženom tekstu, te odlučili predložiti Domu naroda PSBiH njegovo usvajanje.

Ad.3. Prijedlog zakona o dopuni Zakona o nadzoru nad tržištem u Bosni i Hercegovini (stari Poslovnik Doma naroda Parlamentarne skupštine BiH);

O Prijedlogu zakona o dopuni Zakona o nadzoru nad tržištem u Bosni i Hercegovini, uvodne napomene dala je predsjedavajuća Komisije, Alma Čolo. Naime, Vijeće ministara BiH, kao ovlašteni predlagač, dostavilo je Prijedlog zakona 31.08.2006. godine u parlamentarnu proceduru sa zahtjevom da se Prijedlog zakona razmatra po hitnom postupku, u skladu sa članom 99. Poslovnika Doma naroda. Dom naroda je, na svojoj 63. sjednici prihvatio zahtjev predlagača. Ustavno-pravna komisija Doma naroda PSBiH je na svojoj 3. sjednici, održanoj 10.04.2007. godine utvrdila da postoji valjan ustavnopravni osnov za donošenje Zakona o dopuni Zakona o nadzoru nad tržištem u Bosni i Hercegovini, da je tekst zakona usklađen sa Ustavom Bosne i Hercegovine, te da se ponuđeni tekst zakona može uputiti u dalju zakonodavnu proceduru. Komisija za vanjsku i trgovinsku politiku, carine, saobraćaj i komunikacije Doma naroda PSBiH, razmatra Prijedlog zakona u skladu sa članom 79. stav 2. Poslovnika Doma naroda.

Ispred Ministarstva vanjske trgovine i ekonomskih odnosa BiH uvodnu riječ dala je Nada Šupić. Naime, svrha dopune Zakona je određivanje sjedišta Agencije za nadzor nad tržištem, a to je Istočno Sarajevo.

U raspravi vezano za navedenu dopunu učestvovali su Slobodan Šaraba i Alma Čolo. G. Šaraba je istakao kako je osnovna svrha određivanja sjedišta pojedinih institucija u decentralizaciji, te se osim već standardnih mjesta, Sarajeva, Banja Luke, Istočnog Sarajeva, trebaju razmotriti i druga mjesta, poput Mostara, Trebinja i drugih. U tom pravcu, smatra kako je neophodno dogovoriti i povesti raspravu o strategiji određivanja mjesta sjedišta institucija. Gđa. Čolo je podržala izlaganje g. Šarabe, te je odlučeno da se Vijeću ministara

uputi zaključak o izradi strategije koja će se odnositi na određivanja mjesta sjedišta institucija.

Članovi Komisije su, zatim, jednoglasno usvojili tekst Prijedloga zakona o dopunama Zakona o nadzoru nad tržištem u Bosni i Hercegovini u predloženom tekstu, te odlučili predložiti Domu naroda PSBiH njegovo usvajanje.

Ad.4. Izvještaj o radu Državne regulatorne komisije za električnu energiju u 2006. godini;

Mirsad Salkić, predstavnik DERK-a, ukratko je izložio sadržaj Izvještaja o radu DERK-a za 2006. godinu. Tokom prošle godine Državna regulatorna Komisija za električnu energiju promovisala je praksu javnog i nepristrasnog načina donošenja pravila i propisa iz svoje nadležnosti, čime je omogućeno donošenje odluka o tarifama i licencama za prenosnu djelatnost, djelatnost nezavisnog operatora sistema i međunarodnu trgovinu električnom energijom na transparentan način. DERK u svom radu blisko sarađuje sa Regulatornom komisijom za električnu energiju Federacije Bosne i Hercegovine, te Regulatornom komisijom za električnu energiju Republike Srpske. Ovom prilikom, g. Salkić istakao je i kako se veoma često javljaju nejasnoće u odnosu državne i federalne Regulatorne komisije za električnu energiju koje se prvenstveno tiču sukoba nadležnosti. Tim povodom, članovi Komisije odlučili su uputiti Vijeću ministara zaključak, kojim će se sugerirati što hitnije preduzimanje mjera u cilju rješavanja postojećih nejasnoća vezanih za sukob nadležnosti između ove dvije institucije.

Članovi Komisije su jednoglasno usvojili Izvještaj o radu Državne regulatorne Komisije za električnu energiju u 2006. godini.

Ad.5. Davanje saglasnosti za ratifikaciju Sporazuma između Bosne i Hercegovine i Republike Hrvatske o izmjeni Sporazuma između Vlade Bosne i Hercegovine, Vlade Federacije Bosne i Hercegovine i Vlade Republike Hrvatske o međusobnom izvršavanju sudskih odluka u krivičnim stvarima;

Ispred Ministarstva pravde, članovima Komisije osnovne podatke o Sporazumu dala je Helena Govra. Istakla je kako se radi o Sporazumu koji se na privremenoj osnovi primjenjuje još od 2004. godine, a zaključen je u cilju usklađivanja i proširenja dejstva Sporazuma na cjelokupnu teritoriju.

Članovi Komisije jednoglasno su odlučili predložiti Domu naroda PSBiH davanje saglasnosti za ratifikaciju Sporazuma.

Ad.6. Davanje saglasnosti za ratifikaciju Ugovora o finansiranju između Bosne i Hercegovine i Evropske investicione banke – Projekat obnove električne energije II;

Osnovne podatke o Ugovoru dao je Miroljub Krunić iz Ministarstva finansija i trezora BiH. Naime, visina kredita datog Bosni i Hercegovini od strane Evropske investicione banke iznosi 103 miliona eura, rok povrata sredstava je 25 godina, sa 6 godina grejs perioda.

Članovi Komisije jednoglasno su odlučili predložiti Domu naroda PSBiH davanje saglasnosti za ratifikaciju Sporazuma.

Ad.7. Davanje saglasnosti za ratifikaciju Sporazuma o privrednoj saradnji između Vijeća ministara BiH i Vlade Republike Mađarske;

Ad.8. Davanje saglasnosti za ratifikaciju Ženevskog akta haškog sporazuma o međunarodnoj registraciji industrijskog dizajna (2.7.1999.);

Sporazum o privrednoj saradnji između Vijeća ministara BiH i Vlade R Mađarske, te Ženevski akt, članovima Komisije prezentirao je Radomir Bogdanović, iz Ministarstva vanjskih poslova BiH. Naime, Sporazum je zaključen u cilju unapređenja veza između dvije države, te u želji da se već tradicionalna privredna saradnja ojača i produbi. Ovim Sporazumom predviđeno je o formiranje Zajedničke komisije koja će putem vođenja

rasprava, utvrđivati nove oblike privredne saradnje, uspostavljati odnose između preduzeća dvije zemlje, te davati prijedloge za dopunu i bolju primjenu Sporazuma.

Ženevski akt haškog sporazuma o međunarodnoj registraciji industrijskog dizajna obrađuje pravo na podnošenje međunarodne prijave, postupak i sadržaj prijave, te odredbe koje se tiču administrativnih pitanja.

Članovi Komisije jednoglasno su odlučili predložiti Domu naroda PSBiH davanje saglasnosti za ratifikaciju Sporazuma o privrednoj saradnji između Vijeća ministara BiH i Vlade Republike Mađarske, te Ženevskog akta haškog sporazuma o međunarodnoj registraciji industrijskog dizajna (2.7.1999.).

Ad.9. Davanje saglasnosti za ratifikaciju Sporazuma između Vijeća ministara BiH i Vlade Republike Mađarske o saradnji u oblasti obrazovanja, nauke i kulture;

O Sporazumu, osnovne podatke dala je Amira Džajić iz Ministarstva civilnih poslova Bosne i Hercegovine. Sporazum je potpisan 23.06.2005. godine, u cilju proširenja i jačanja saradnje u oblastima obrazovanja, nauke, kulture i umjetnosti između dvije zemlje.

Članovi Komisije jednoglasno su odlučili predložiti Domu naroda PSBiH davanje saglasnosti za ratifikaciju Sporazuma.

Ad.10. Davanje saglasnosti za ratifikaciju Sporazuma između Bosne i Hercegovine i Srbije i Crne Gore o pograničnom saobraćaju;

Ad.11. Davanje saglasnosti za ratifikaciju Sporazuma o određivanju graničnih prijelaza između Bosne i Hercegovine i Srbije i Crne Gore;

Ad.12. Davanje saglasnosti za ratifikaciju Sporazuma između Bosne i Hercegovine i Srbije i Crne Gore o pojednostavljenom postupku prometa ljudi i roba na graničnim prijelazima Uvac – Uvac i Ustibar – Vagan;

Ispred Ministarstva civilnih poslova Bosne i Hercegovine članovima Komisije obratio se Haris Čenić. Sva tri sporazuma potpisana su 24.02.2005. godine, u želji određivanja graničnih prijelaza, njihove kategorizacije, inspeksijske službe, saobraćaja putnika i roba, te olakšavanju kretanja stanovništva iz pograničnih područja. U skladu sa Beogradskom deklaracijom, Srbija postaje sukcesor, a uskoro se pristupa i zaključivanju sporazuma sa identičnim tekstom sa Crnom Gorom.

Članovi Komisije jednoglasno su odlučili predložiti Domu naroda PSBiH davanje saglasnosti za ratifikaciju Sporazuma između Bosne i Hercegovine i Srbije i Crne Gore o pograničnom saobraćaju, Sporazuma o određivanju graničnih prijelaza između Bosne i Hercegovine i Srbije i Crne Gore i Sporazuma između Bosne i Hercegovine i Srbije i Crne Gore o pojednostavljenom postupku prometa ljudi i roba na graničnim prijelazima Uvac – Uvac i Ustibar – Vagan.

Ad.13. Davanje saglasnosti za ratifikaciju Sporazuma o socijalnom osiguranju između Bosne i Hercegovine i Republike Slovenije;

Slavica Vučić iz Ministarstva civilnih poslova je prezentirala Sporazum o socijalnom osiguranju. Sporazum je potpisan 19.02.2007.godine i odnosi se na pravne propise u oblasti zdravstvene zaštite i zdravstvenog osiguranja, penzijskog i invalidskog osiguranja, dodatka na djecu i novčanih naknada za period porodijskog odsustva te osiguranja u slučaju nezaposlenosti, i primjenjuje se na osobe za koje važe ili su važili pravni propisi jedne ili obje države ugovornice, te druge osobe, ukoliko ostvaruju prava na osnovu osiguranja navedenih osoba.

Predsjedavajuća Komisije, Alma Čolo, postavila je pitanje da li je isti sporazum zaključen između Bosne i Hercegovine i Republike Hrvatske. Gđa. Vučić je istakla kako je Sporazum sa Republikom Hrvatskom već zaključen, ali kako postoje određeni problemi, odnosno pitanja, koja čekaju na rješavanje, poput dodatnih prava koje traže otpuštena lica.

Članovi Komisije jednoglasno su odlučili podržati Sporazum i predložiti Domu naroda davanje saglasnosti za njegovu ratifikaciju.

- Ad.14. Davanje saglasnosti za ratifikaciju Sporazuma između Vijeća ministara BiH i Vlade Arapske Republike Egipat o saradnji u oblasti suzbijanja kriminala;**
- Ad.15. Davanje saglasnosti za ratifikaciju Sporazuma između Vijeća ministara BiH i Vlade Republike Francuske o readmisiji lica sa nezakonitim statusom i Protokol o primjeni Sporazuma;**
- Ad.16. Davanje saglasnosti za ratifikaciju Sporazuma između Vijeća ministara BiH i Vlade Kraljevine Danske o prihvatu lica čiji je boravak protuzakonit;**
- Ad.17. Davanje saglasnosti za ratifikaciju Strateškog sporazuma o saradnji između Vijeća ministara BiH i Ureda Evropske policije (EUROPOL);**
- Ad.18. Davanje saglasnosti za ratifikaciju Sporazuma o saradnji između Vijeća ministara BiH i Vlade Republike Italije u oblasti borbe protiv organiziranog kriminala;**
- Ad.19. Davanje saglasnosti za ratifikaciju Sporazuma između Vijeća ministara BiH i Vlade Islamske Republike Iran o saradnji u oblasti sigurnosti;**
- Ad.20. Davanje saglasnosti za ratifikaciju Sporazuma između Vijeća ministara BiH i Vlade Republike Slovenije o policijskoj saradnji;**

Vjekoslav Vuković i Lejla Solunović iz Ministarstva sigurnosti dali su osnovne podatke o Sporazumima iz njihove nadležnosti. Sporazumi su zaključeni u periodu 2002. – 2006. godina i radi se uglavnom o tipskim sporazumima kojima se doprinosi dobrom imidžu Bosne i Hercegovine putem saradnje u oblastima borbe protiv terorizma, organizovanog kriminala, međunarodne nezakonite trgovine narkoticima, te borbe protiv nezakonite imigracije.

U raspravi su učestvovali Alma Čolo i Rudo Vidović, čija se glavna primjedba odnosila na dugi vremenski period koji protiče od dana potpisivanja do dana kada se jedan sporazum ili ugovor nađu pred nadležnom komisijom Parlamentarne skupštine Bosne i Hercegovine, te istakli kako je neophodno u zakonu izvršiti pojednostavljenje procedure ratifikacije tipskih sporazuma.

Na kraju, članovi Komisije jednoglasno su odlučili predložiti Domu naroda davanje saglasnosti za ratifikaciju.

- Ad.21. Davanje saglasnosti za ratifikaciju Sporazuma o zračnom saobraćaju između Vijeća ministara BiH i Vijeća ministara Republike Albanije;**

Članovima Komisije se, kao predstavnik Ministarstva komunikacija i transporta BiH, obratio Ismet Šečić. Sporazum o zračnom saobraćaju potpisan je 2004. godine, u želji za uspostavljanjem i obavljanjem zračnog saobraćaja između svojih teritorija i dalje. Naglasio je i da je Sporazum prošao svu potrebnu proceduru u Predstavničkom domu Parlamentarne skupštine BiH.

Članovi Komisije jednoglasno su odlučili predložiti Domu naroda davanje saglasnosti za ratifikaciju Sporazuma o zračnom saobraćaju između Vijeća ministara BiH i Vijeća ministara Republike Albanije.

- Ad.22. Izvještaj o Konferenciji predsjednika komisija za vanjske poslove parlamenata zemalja članica Evropske unije, Evropskog parlamenta i zemalja kandidata za prijem u članstvo EU (COFACC), Berlin, 26.i 27.2.2007.;**

Na Konferenciji je, kao predstavnik Bosne i Hercegovine, učestvovala Azra Hadžiahmetović, prva zamjenica predsjedavajućeg Komisije za vanjske poslove Predstavničkog doma PSBiH. Na dnevnom redu našle su se teme od veoma velikog značaja za sadašnjost ali budućnost BiH, poput: „Prioriteti vanjskog djelovanja njemačkog predsjedavanja Evropskom unijom“, „Odgovornost Evrope: sigurnost i stabilnost na

Zapadnom Balkanu“, te „Razvoj evropske sigurnosne i odbrambene politike i operativno rješavanje kriza“, i slično.

Izvještaj je jednoglasno prihvaćea.

Ad.23. Informacija s održanog sastanka s gosp. Bruceom McLanom, političkim savjetnikom Komande Štaba NATO-a u Bosni i Hercegovini;

Ad.24. Informacija s održanog sastanka sa izvjestiocima Političkog komiteta Parlamentarne skupštine Zapadnoevropske unije;

Članovi Komisije su obje informacije primili k znanju.

Ad.25. Tekuća pitanja

Pod tačkom „Tekuća pitanja“ članovima Komisije dostavljen je materijal pod nazivom: „Sugestije za Prijedlog izmjena Zakona o postupku zaključivanja i izvršavanja međunarodnih ugovora“, od strane Šečić Ismeta, predstavnika Ministarstva komunikacija i transporta Bosne i Hercegovine.

Privremeni sekretar Komisije

Aida Kreho

Predsjedavajuća Komisije

Alma Čolo